



Student Academic Reps
Cynrychiolwyr Academaidd Myfyrwyr

Llawlyfr Cynrychiolwyr Academaidd Myfyrwyr 2023/24

Home of the Student Voice
Cartref Llais y Myfyrwyr



Cardiff
Students'
Union

Undeb
Myfyrwyr
Caerdydd

Cynnwys

3. Eich Swyddogion Sabothol
4. Neges gan eich Rhag Is-Ganghellor Addysg a Phrofiad Myfyrwyr, a gan Lywydd yr UM
5. Eich Undeb Myfyrwyr
6. Eich Tîm Llais Myfyrwyr
7. Eich Coleg – Y Celfyddydau, y Dyniaethau a'r Gwyddorau Cymdeithasol
8. Eich Coleg - Gwyddorau Biofeddygol a Bywyd
9. Eich Coleg - Y Gwyddorau Ffisegol a Pheirianeg
10. Rôl Cynrychiolydd Academaidd Myfyrwyr
11. Rôl Cynrychiolydd Myfyrwyr Ymchwil Ôl-raddedig
12. Rôl y Cadeirydd, Rôl yr Is-gadeirydd
13. Panelu Myfyrwyr-Staff
14. Casglu Adborth
16. Fforymau Colegau
17. Cyfleoedd i Ddatblygu
18. Tystysgrifau Cynrychiolwyr
19. Siarter y Myfyrwyr
20. Cyfeirio
22. Taclo'r termau
24. Llwyddiannau Myfyrwyr
25. Cysylltwch â'ch Swyddogion Sabothol



Micaela Panes, IL Myfyrwyr Ôl-raddedig

"Longyfarchiadau ar ddod yn Gynrychiolydd Academaidd!

Bod yn Gynrychiolydd oedd un o'r pethau mwyaf gwerth-chweil i mi ei wneud trwy gydol fy ngradd Meistr a PhD. Dros y flwyddyn nesaf byddwch yn cael y cyfle i gynrychioli eich carfan, darparu adborth hollbwysig i'ch ysgol a'ch coleg, a brwydro i greu newid gwirioneddol gadarnhaol. Byddwch hefyd yn cael cyfle i rwydweithio a gwneud cysylltiadau, dysgu sgiliau trosglwyddadwy newydd, a helpu i greu profiad myfyrwyr y gallwch fod yn falch ohono.

Rwy'n edrych ymlaen at gwrdd â chi a gweithio gyda chi. Cofiwch fod Undeb y Myfyrwyr yma i'ch cefnogi ar eich taith, felly mae croeso i chi estyn allan unrhyw bryd!"



Alex Meers, IL Campws Parc y Mynydd Bychan

"Longyfarchiadau ar ddod yn Gynrychiolydd Academaidd Myfyrwyr! Rydw i mor falch o'r hyn y bûm yn gweithio arno fel Cynrychiolydd fy hun, ac rwy'n edrych ymlaen at weld beth fyddwch chi'n ei gyflawni.

Bydd eich adborth yn amhrisiadwy i ni a'r brifysgol o ran gwella safonau academaidd a phrofiad myfyrwyr am flynyddoedd i ddod.

Mae hwn yn gyfle gwych ac rwy'n eich annog i wneud y mwyaf ohono - peidiwch ag anghofio fy mod yma i helpu, felly mae croeso i chi gysylltu unrhyw bryd!"



Deio Owen, IL Iaith, Cymuned a Diwylliant Cymru

"Longyfarchiadau! Mae bod yn gynrychiolydd myfyrwyr yn gyfle gwych nid yn unig i leisio barn ar ran myfyrwyr ond hefyd i ddatblygu eich hun drwy gyfarfodydd, sesiynnau hyffroddi a rhwydweithio.

Er ei fod yn gyfrifoldeb mawr, y mwyaf rhowch chi fewn i fod yn gynrychiolydd, y mwyaf o newid fydd yn cael ei wireddu ar draws y sefydliad. Wedi imi fod yn gynrychiolydd fy hun, dwi'n gwybod faint o waith 'da chi'n ei roi fewn i hyn a mi yda ni gyd yn yr Undeb mor ddiolchgar am eich amser, ymrwymiad a brwdfrydedd.

Felly beth bynnag fydd yn codi eleni, cofiwch roi gwybod, defnyddiwch eich llais a byddwch y newid hoffwch chi ei weld yng Nghaerdydd. Cofiwch hefyd fod yr Undeb ym ayn gefn ichi ym mha bynnag ffordd allwn ni fod."



Noah Russell, IL Myfyrwyr Israddedig

"Longyfarchiadau mawr, a diolch am ddod yn Gynrychiolydd Myfyrwyr! Mae'n rôl bwysig iawn caniatáu i leisiau eich cyd-fyfyrwyr goel eu clywed a darparu llwyfan ar gyfer newid yn eich ysgol a'ch coleg.

Croeso i'r tîm o gynrychiolwyr myfyrwyr, ac rwy'n siarad ar ran y tîm pan ddywedaf ein bod i gyd yn edrych ymlaen at weithio gyda chi yn y flwyddyn sydd i ddod. Mae'r UM bob amser yma i'ch cefnogi, gan fod cryn lawer o gyfrifoldeb yn perthyn i'r rôl, ond mae hefyd yn gyfle anhygoel i helpu eraill, dysgu sgiliau hanfodol a newid y brifysgol er gwll.

Rwy'n edrych ymlaen at eich gweld yn codi eich llais mewn Paneli Staff-Myfyrwyr a digwyddiadau yn y dyfodol."

Claire Morgan, Rhag Is-Ganghellor, Addysg a Phrofiad Myfyrwyr



"Fel Rhag Is-Ganghellor, Addysg a Phrofiad Myfyrwyr rwyf wedi ymrwymo i weithio mewn gwir bartneriaeth gyda'n corff o fyfyrwyr, a sicrhau ein bod yn gwranddo ar ac yn bwysicach yn gweithredu ar lais y myfyriwr.

Mae'r system cynrychiolwyr academaidd yn un o sawl ffordd y mae lleisiau myfyrwyr Prifysgol Caerdydd yn cael eu clywed, ac maent yn ffurfio rhan o'r hyn y mae'r Brifysgol yn ei wneud, boed yn adborth ar gysiau neu ar brofiad ehangach myfyrwyr a sut y gellir ei wella.

Yn ystod blwyddyn academaidd 2023/2024 byddwn yn bwrw ymlaen â chynllun uchelgeisiol i gefnogi llwyddiant myfyrwyr ym Mhrifysgol Caerdydd.

Mae ein cynrychiolwyr academaidd yn rhan hanfodol o roi'r wybodaeth ddiweddaraf i chi am yr hyn sy'n digwydd a gweithio gydag Undeb y Myfyrwyr ar sut rydym yn gwella profiad myfyrwyr yng Nghaerdydd.

Felly croeso i'r tîm cyfan a diolch yn fawr iawn gennyf am y gwaith gwerthfawr yr ydych ar fin ei wneud."



Angie Flores Acuña, Llywydd yr UM

"Llongyfarchiadau a da iawn ar ddod yn Gynrychiolydd Myfyrwyr!

Fel cyn-gynrychiolydd myfyrwyr fy hun, mae'n anrhydedd i mi eich croesawu i'r gymuned anhygoel o gannoedd o fyfyrwyr sy'n cydweithio i gynrychioli buddiannau ein myfyrwyr ac sy'n hanfodol i lunio profiad y myfyrwyr!

Mae bod yn Gynrychiolydd Myfyrwyr yn gyfle unigryw sy'n eich galluogi i hyrwyddo llais myfyrwyr a bod yn bont rhwng y myfyrwyr a'r brifysgol. P'un a ydych yn penderfynu llenwi'ch amser â gweithgareddau i gasglu adborth eich cyfoedion neu arwain ymgyrchoedd i hyrwyddo rhywbeth yr ydych yn angerddol yn ei gyloch, cofiwch ein bod ni, yn Undeb y Myfyrwyr, yma i'ch cefnogi.

Wedi dweud hyn, rwy'n dymuno blwyddyn gyffrous i chi! Bydd y flwyddyn yn mynd heibio mewn chwinciad, felly gwnewch yn siŵr eich bod yn mwynhau pob munud ohoni. Alla i ddim aros i weld yr holl newidiadau cadarnhaol y byddwch chi'n eu gwneud!"

Eich Undeb Myfyrwyr



Mae Undeb Myfyrwyr Prifysgol Caerdydd yn cael ei gydnabod fel Undeb Myfyrwyr blaenllaw ac yn rhan annatod o Brifysgol Caerdydd. Ein nod yw bod wrth galon profiad myfyrwyr Caerdydd trwy weithio gyda phob myfyriwr i wella eu profiad prifysgol. Oeddech chi'n gwybod eich bod yn dod yn aelod o Undeb y Myfyrwyr yn syth ar ôl ymrestru ym Mhrifysgol Caerdydd?

Ein Diben

Hyrwyddo buddiannau a lles myfyrwyr Prifysgol Caerdydd yn ystod eu cwrs astudio drwy gynrychioli, cefnogi a chynghori myfyrwyr.

Bod yn sianel gynrychioliadol gydnabyddedig rhwng myfyrwyr, Prifysgol Caerdydd, ac unrhyw gyrff allanol eraill.

Darparu gweithgareddau cymdeithasol, diwylliannol, chwaraeon, hamdden a fforymau ar gyfer trafodaethau a dadlau ar gyfer datblygiad personol myfyrwyr.

Mae Gennym 4 Thema Strategol

Eich cymuned yng Nghaerdydd

Eich bywyd academiaidd

Eich profiadau myfyriwr

Eich lles a'ch dyfodol

Rydym Hefyd yn Hyrwyddo 4 Gwerth

Arweinyddiaeth Myfyrwyr – Rydym yn darparu hyfforddiant, cymorth ac arweiniad i'ch helpu i gymryd yr awenau wrth wneud newidiadau cadarnhaol i'ch cwrs a'ch profiad academiaidd ehangach.

Cynhwysiant – Fel cynrychiolydd academiaidd, mae'n bwysig eich bod yn ymdrechu i ymgysylltu â phob myfyriwr ar eich cwrs a'u cynrychioli.

Partneriaeth – mae'r Brifysgol, Undeb y Myfyrwyr a Chynrychiolwyr Academiaidd y Myfyrwyr yn gweithio mewn partneriaeth i wneud y profiad addysgol gorau y gall fod i fyfyrwyr.

Amrywiaeth – Rydym yn gwerthfawrogi amrywiaeth ymhlith Cynrychiolwyr Academiaidd y Myfyrwyr, ac rydym am weithio gyda chi i ddileu rhwystrau i addysg.

Mae Tim Llais y Myfyrwyr yn rheoli'r strwythur Cynrychiolaeth Academiaidd mewn partneriaeth â'r Brifysgol, ac yn gweithio i gefnogi a grymuso myfyrwyr i sicrhau bod eu lleisiau'n cael eu clywed. Mae hyn yn cynnwys sicrhau bod cynrychiolaeth myfyrwyr ar bob lefel o wneud penderfyniadau. Mae'r Swyddogion Sabothol etholedig yn dibynnu ar yr adborth a ddarperir gan bob Cynrychiolydd Academiaidd y Myfyrwyr i sicrhau bod unrhyw newidiadau a wneir er lles gorau'r myfyrwyr.

Eich Tîm Llais y Myfyriwr

Llongyfarchiadau ar ddod yn Gynrychiolydd Academaidd Myfyrywyr! Undeb y Myfyrywyr yw cartref llais y myfyrywyr ym Mhrifysgol Caerdydd ac mae'r Undeb yma i gynrychioli eich diddordebau academaidd. Ers 2014 mae Tîm Llais y Myfyrywyr yn Undeb Myfyrywyr Prifysgol Caerdydd wedi rheoli'r strwythur Cynrychiolaeth Academaidd Myfyrywyr mewn cydweithrediad â'r Brifysgol.

Fel tîm, rydym yn ymdrin ag ystod eang o feysydd, o gynrychiolaeth academaidd a pholisi i ddemocratiaeth ac ymgyrchoedd. Rydym yn gweithio mewn partneriaeth â Phrifysgol Caerdydd i eirioli llais y myfyrywyr ar bob lefel a rhoi cyfle i fyfyrywyr fod yn gyd-grewyr eu profiad prifysgol.

Rydym ni'n creu'r hyfforddiant a ddarperir i chi fel Cynrychiolydd, a bob blwyddyn rydym yn ailymweld â'r hyfforddiant ac yn ei adolygu yn seiliedig ar eich adborth. Drwy gydol y flwyddyn, byddwch yn derbyn cylchlythyr gennym unwaith y mis yn amlinellu gwybodaeth allweddol a digwyddiadau sy'n bwysig i chi. Dywedwch wrthym beth rydych chi'n ei wneud fel y gallwn ei gynnwys yn ein cylchlythyr neu yn ein hymgyrch Llwyddiannau Myfyrywyr!

Rydym wedi ein lleoli ar 3ydd llawr Undeb y Myfyrywyr ar Blas y Parc, ac yn y Lolfa IV ym Mharc y Mynydd Bychan, felly dewch i'n gweld unrhyw bryd! Rydyn ni eisiau clywed gennych chi, unrhyw beth y gallwch ddefnyddio cymorth gyda fe, neu unrhyw syniadau gwych sydd gennych chi. Gallwch chi alw i mewn, neu cysylltwch â ni yma:

Tîm Llais y Myfyriwr



studentreps@cardiff.ac.uk



02920 781 448



@CardiffStudentVoice



@CSUStudentVoice

Eich Coleg - Coleg y Celfyddydau, y Dyniaethau a'r Gwyddorau Cymdeithasol (AHSS)

Mae Coleg y Celfyddydau, y Dyniaethau a'r Gwyddorau Cymdeithasol yn cynnwys 10 ysgol:

- » Ysgol Busnes Caerdydd (CARBS)
- » Ysgol Saesneg, Cyfathrebu ac Athroniaeth (ENCAP)
- » Ysgol Daearyddiaeth a Chynllunio (GEOPL)
- » Ysgol Hanes, Archaeoleg a Chrefydd (SHARE)
- » Ysgol Newyddiaduraeth, Cyfryngau a Diwylliant (JOMEC)
- » Ysgol y Gyfraith a Gwleidyddiaeth (LAWPL)
- » Ysgol Ieithoedd Modern (MLANG)
- » Ysgol Cerddoriaeth ("MUSIC")
- » Ysgol y Gwyddorau Cymdeithasol (SOCSI)
- » Ysgol y Gymraeg (CYMRAEG)

Coleg y Celfyddydau, y Dyniaethau a'r Gwyddorau Cymdeithasol yw'r coleg mwyaf ym Mhrifysgol Caerdydd gyda dros 13,000 o fyfyrwr. Mae'r ysgolion yn AHSS wedi'u lleoli'n bennaf yn Cathays.

Mae'r coleg yn falch o'i gyrhaeddiad byd-eang; mae ganddi gysylltiadau ffurfiol â 38 o wledydd ac ar hyn o bryd mae'n gartref i dros 3,500 o fyfyrwr rhyngwladol.

Yn 2022/2023, roedd 420 o gynrychiolwyr ar draws y coleg, yn gweithio yn eu hysgolion i wella profiad myfyrwr.

Deoniaid y coleg yw:

Astudiaethau israddedig: Rob Gossedge

Astudiaethau ôl-raddedig: Dr Elizabeth Wren-Owens

Eich Coleg - y Gwyddorau Biofeddygol a Bywyd (BLS)

Mae Coleg y Gwyddorau Biofeddygol a Bywyd yn cynnwys 7 ysgol academaidd:

- » Ysgol y Biowyddorau (BIOSI)
- » Ysgol Deintyddiaeth (DENTL)
- » Ysgol y Gwyddorau Gofal Iechyd (HCARE)
- » Ysgol Optometreg a Gwyddorau'r Golwg (OPTOM)
- » Ysgol Feddygaeth ("MEDIC")
- » Ysgol Fferylliaeth a Gwyddorau Fferyllol (PHRMY)
- » Ysgol Seicoleg (PSYCH)

Mae Coleg y Gwyddorau Biofeddygol a Bywyd yn goleg sy'n ymestyn ar draws dau gampws. Gyda'r Ysgolion Gwyddorau Gofal Iechyd, Deintyddiaeth a Meddygaeth wedi'u lleoli ar gampws Parc y Mynydd Bychan, mae llais y myfyrwyr yn cael ei drosglwyddo ar draws Caerdydd. Mae Cynrychiolwyr Academaidd y Myfyrwyr ym mhob ysgol yn gweithio'n galed i godi adborth ar addysgu clinigol, amserlennu, lleoliadau gwaith a mwy.

Yn 2022/2023 roedd 276 o gynrychiolwyr ar draws y coleg, pob un yn cyfrannu at newidiadau allweddol i holl fyfyrwyr y coleg.

Deoniaid y coleg yw:

Astudiaethau israddedig: Yr Athro Dai John

Astudiaethau ôl-raddedig: Dr Amanda Tonks

Eich Coleg – y Gwyddorau Ffisegol a Pheirianeg (PSE)

Mae coleg y Gwyddorau Ffisegol a Pheirianeg yn cynnwys 7 ysgol academaidd:

- » Ysgol Pensaerniaeth (ARCHI)
- » Ysgol Cemeg (CHEMY)
- » Ysgol Cyfrifiadureg a Gwybodeg (COMSC)
- » Ysgol Gwyddorau'r Ddaear a'r Môr ("EARTH")
- » Ysgol Peirianeg (ENGIN)
- » Ysgol Mathemateg (MATHS)
- » Ysgol Ffiseg a Seryddiaeth (PHYSX)

Coleg y Gwyddorau Ffisegol a Pheirianeg yw'r coleg lleiaf yn y brifysgol, gyda thua 6500 o fyfyrwr. Mae'r rhan fwyaf o'r ysgolion wedi'u lleoli yn Cathays, er bod yr Ysgol Cyfrifiadureg a Gwybodeg hefyd yn cwmpasu'r Academi Meddalwedd Genedlaethol, sydd wedi'i lleoli yng Nghasnewydd.

Yn 2022/2023 roedd 258 o gynrychiolwyr ar draws y coleg, sydd wedi bod yn allweddol wrth wneud newidiadau i brofiad myfyrwr.

Deoniaid y coleg yw:

Astudiaethau israddedig: Dr Andrew Roberts

Astudiaethau ôl-raddedig: Dr Julie Gwilliam

Rôl Cynrychiolydd Academaidd y Myfyrwyr

Amcan y Rôl:

Cynrychioli buddiannau academaidd y myfyrwyr ar eu cwrs, casglu adborth i'w drafod gyda staff yr ysgol a bod yn rhan o wella unrhyw faterion sy'n ymwneud â'r cwrs.

Cyfrifoldebau:

- » Mynychu hyfforddiant gydag Undeb y Myfyrwyr
- » Mynychu Paneli Staff-Myfyrwyr (SSPs)
- » Hyrwyddo eich rôl ymhlith eich cyfoedion
- » Casglu adborth cadarnhaol ac adeiladol gan fyfyrwyr eraill i
- » rannu ag aelodau o staff perthnasol
- » Cydweithio â staff i wneud newidiadau cadarnhaol i'ch cwrs
- » Cau'r cylch adborth drwy adrodd yn ôl i fyfyrwyr am unrhyw ddiweddariadau
- » Cyfeirio myfyrwyr at wasanaethau defnyddiol y brifysgol ac Undeb y Myfyrwyr
- » Gweithio gyda'ch Cydlynnydd Cynrychiolwyr Myfyrwyr ar ymgyrchoedd
- » Ymgysylltu â gweithgaredd Undeb y Myfyrwyr dros y flwyddyn



Rôl Cynrychiolydd Myfyrwyr Ymchwil Ôl-raddedig

Amcan y Rôl:

Cynrychioli barn ymchwilwyr ôl-raddedig a gweithredu fel llais iddynt ar faterion academaidd a phrofiad myfyrwyr, a rhannu syniadau am arferion gorau.

Cyfrifoldebau:

- » Mynychu Hyfforddiant i Gynrychiolwyr
- » Mynychu Paneli Staff-Myfyrwyr (SSPs)
- » Mynychu Fforymau Cynrychiolydd Myfyrwyr Ymchwil Ôl-raddedig
- » Gwneud eich hun yn hysbys ac ar gael i'r myfyrwyr yr ydych yn eu cynrychioli
- » Casglu adborth cadarnhaol ac adeiladol gan eich cyfoedion i rannu gyda'ch ysgol a'ch coleg
- » Cyfeirio myfyrwyr at wybodaeth am wasanaethau pwysig a defnyddiol a ddarperir gan Undeb y Myfyrwyr a'r Brifysgol
- » Rhoi adborth i fyfyrwyr ar yr effaith y mae llais y myfyriwr wedi'i chael a sut mae wedi arwain at welliannau yn eich ysgol
- » Rhoi adborth i Undeb y Myfyrwyr trwy Fforymau Cynrychiolydd Myfyrwyr Ymchwil Ôl-raddedig (Fforymau PGRR)
- » Gweithio gyda'ch Cydlynnydd Cynrychiolwyr Myfyrwyr ar ymgyrchoedd
- » Casglu adborth trwy Wythnos Siarad



Rôl y Cadeirydd

Amcan y Rôl:

Gweithio'n agos gyda'r Is-Gadeirydd a'r Cydlynnydd Cynrychiolwyr Myfyrrwyr (SRC) i sicrhau bod y Paneli Staff-Myfyrrwyr (SSPs) yn drefnus ac yn effeithiol, a bod yn gyswllt allweddol ar gyfer y panel yn eich ysgol.

Cyfrifoldebau:

- » Mynychu Hyfforddiant Cadeirio gydag Undeb y Myfyrrwyr
- » Cadeirio Paneli Staff-Myfyrrwyr
- » Rheoli'r drafodaeth yn Paneli Staff-Myfyrrwyr
- » Penodi camau gweithredu yn y Paneli Staff-Myfyrrwyr
- » Cadw amser yn y Paneli Staff-Myfyrrwyr
- » Gosod y dyddiad ar gyfer y Paneli Staff-Myfyrrwyr, a chadarnhau'r agenda ymlaen llaw
- » Gweithio gyda'r Is-Gadeirydd i wahodd staff a myfyrrwyr perthnasol i'r paneli
- » Gweithio mewn partneriaeth â'r Is-Gadeirydd a'r Cydlynnydd Cynrychiolwyr Myfyrrwyr
- » Hyrwyddo ymddygiad proffesiynol yn y Paneli Staff-Myfyrrwyr
- » Mynychu Fforymau Coleg gyda Deoniaid y Colegau

Rôl yr Is-Gadeirydd

Amcan y Rôl:

Gweithio'n agos gyda'r Cadeirydd a'r Cydlynnydd Cynrychiolwyr Myfyrrwyr (SRC) i sicrhau bod y Paneli Staff-Myfyrrwyr (SSPs) yn drefnus ac yn effeithiol. Cefnogi'r Cadeirydd yn ei rôl a bod yn Gadeirydd dros dro yn achos absenoldeb y Cadeirydd.

Cyfrifoldebau:

- » Mynychu Hyfforddiant Is-Gadeirio gydag Undeb y Myfyrrwyr
- » Cefnogi'r Cadeirydd i reoli'r drafodaeth mewn Paneli Staff-Myfyrrwyr
- » Cymryd rôl a dyletswyddau'r Cadeirydd os bydd yn absennol o'r Paneli Staff-Myfyrrwyr
- » Cadarnhau camau gweithredu sy'n deillio o gyfarfodydd.
- » Cefnogi'r Cadeirydd i osod y dyddiad ar gyfer y Paneli Staff-Myfyrrwyr, a chadarnhau'r agenda ymlaen llaw
- » Gweithio gyda'r Cadeirydd i wahodd staff a myfyrrwyr perthnasol i'r paneli
- » Gweithio mewn partneriaeth â'r Cadeirydd a'r Cydlynnydd Cynrychiolwyr Myfyrrwyr
- » Hyrwyddo ymddygiad proffesiynol yn y Paneli Staff-Myfyrrwyr
- » Mynychu Fforymau Coleg gyda Deoniaid y Colegau, lle bo'n briodol

Paneli Myfyrwyr–Staff

Paneli Staff Myfyrwyr (SSPs) yw'r cyfarfodydd allweddol a fynychir gan Gynrychiolwyr Academaidd y Myfyrwyr a staff eich Ysgol. Diben y cyfarfodydd hyn yw siarad am syniadau a meysydd i'w gwella ar eich cwrs a'ch profiad addysgol yn gyffredinol. Disgwylir i chi fynychu'r cyfarfodydd hyn gydag adborth gan eich carfan. Bydd dau gynrychiolydd (Cadeirydd ac Is-Gadeirydd) yn gyfrifol am gadeirio'r cyfarfod a bydd aelod o staff yr ysgol yn gyfrifol am gymryd cofnodion.

Beth allaf ei ddisgwyl gan Banel Staff–Myfyrwyr?

Eich Paneli Myfyrwyr–Staff fydd y prif gyfle i chi roi adborth i staff perthnasol. Mae'n hanfodol eich bod yn paratoui ar gyfer y cyfarfod drwy gasglu adborth gan eich cyfoedion ymlaen llaw, a thrwy ddarllen drwy unrhyw ddogfennau a anfonir atoch. Os neilltuwyd gweithred i chi mewn cyfarfod blaenorol, gwnewch yn siŵr bod gennych ddiweddariad i'w roi i'r holl staff a myfyrwyr.

Pwy fydd yno?

Aelodaeth y myfyrwyr:

- » Cadeirydd ac Is-Gadeirydd etholedig
- » Cynrychiolwyr Academaidd y Myfyrwyr
- » Aelod pwyllgor o'r gymdeithas academaidd berthnasol (lle bo'n berthnasol)

Aelodaeth y Staff:

- » Cydlynnydd Cynrychiolwyr Myfyrwyr
- » Staff ysgol priodol
- » Cyfarwyddwr Dysgu ac Addysgu
- » Llyfrgellwyr pwnc
- » Unrhyw aelod arall o staff sydd cael eu hystyried yn hanfodol i eitem ar yr agenda

Os oes gennych rywbeth penodol yr hoffech ei drafod, gwnewch yn siŵr eich bod yn gofyn iddo gael ei ychwanegu at yr agenda ymlaen llaw. Bydd hyn yn rhoi cyfle i'r Cadeirydd neu'r Cydlynnydd Cynrychiolwyr y Myfyrwyr wahodd unrhyw aelodau staff angenrheidiol pellach i fynychu.

Pa mor aml yw'r Paneli Myfyrwyr–Staff (SSP)?

Dylai eich Paneli Myfyrwyr–Staff gyfarfod o leiaf dair gwaith y flwyddyn – unwaith y tymor. Fel Cynrychiolydd Academaidd Myfyrwyr, disgwylir i chi fynd i bob Panel Myfyrwyr–Staff. Os na allwch fod yn bresennol, rhaid i chi anfon ymddiheuriadau (a diweddariad ar unrhyw adborth a gawsoch) at y panel ymlaen llaw. Mae pob ysgol yn wahanol, felly efallai y cewch eich gwahodd i fwy o Baneli Myfyrwyr–Staff yn ystod y flwyddyn. Mae'n bwysig eich bod yn cynnal presenoldeb da a siarad â'ch Cydlynnydd Cynrychiolwyr y Myfyrwyr os ydych yn cael trafferth.

Sylwch, os nad ydych yn mynychu Paneli Myfyrwyr–Staff (PMS) ac nad ydych yn anfon ymddiheuriadau, efallai y cewch eich tyngu o'ch rôl.

Oes gennych chi syniad neu fater cyn eich Paneli Myfyrwyr–Staff?

Ni all rhai materion aros tan Banel Myfyrwyr–Staff. Os oes mater brys, mae'n werth ei godi gydag aelod o staff cyn y cyfarfod. Os oes angen cymorth arnoch i wneud hynny, cysylltwch â StudentReps@Cardiff.ac.uk.

Casglu Adborth

Wyneb yn wyneb

Manteision:

- » Mae rhai pobl yn fwy cyfforddus wrth gyfathrebu wyneb yn wyneb
- » Mae adborth yn aml yn trosi'n well ar lafar
- » Gall fod yn haws dechrau sgwrs yn naturiol

Anfanteision:

- » Gall fod yn anodd cael tystiolaeth o faterion yn ysgrifenedig
- » Gall fod yn anodd cael pawb ynghyd i ofyn am adborth

E-bost

Manteision:

- » Dylai pawb gael mynediad i'w e-bost prifysgol
- » Mae'n cadw'r broses yn broffesiynol

Anfanteision:

- » Efallai nad yw myfyrwyr yn gwirio eu e-byst yn reolaidd
- » Gall fod pryderon fod e-byst yn cael eu monitro - sy'n arwain at amharodrwydd i'w cynnig adborth
- » Gall cadwyni e-bost hir fod yn anhrefnus ac aneffeithiol

Y Cyfryngau Cymdeithasol

Manteision:

- » Mae llawer o bobl yn teimlo'n fwy cyfforddus wrth ddefnyddio adnoddau anffurfiol
- » Gallwch chi weld pan mae pobl wedi gweld neges
- » Gallwch greu grwpiau, poliau a danfon negeseuon breifat

Anfanteision:

- » Mae rhai platformau cyfryngau cymdeithasol wedi'u gwahardd mewn rhai gwledydd
- » Efallai y byddai'n well gan fyfyrwyr gadw eu bywydau personol a phroffesiynol ar wahân
- » Mae'n annog myfyrwyr i ymateb y tu allan i oriau arferol

WhatsApp

Manteision:

- » Bydd llawer o bobl yn barod yn defnyddio WhatsApp gan ei fod ar gael yn rhwydd
- » Mae'n dda ar gyfer annog ymatebion a thrafodaethau cyflym

Anfanteision:

- » Nid yw'r ap ar gael ym mhob gwlad
- » Efallai na fydd myfyrwyr eisiau pawb i gael mynediad at eu rhif ffôn
- » Dim opsiwn i greu pòl
- » Mae'n annog myfyrwyr i ymateb y tu allan i oriau arferol

Cyfarfodydd Ar-lein

Manteision:

- » Yn caniatáu trafodaeth hawdd hyd yn oed pan na all pobl fod yn yr un lle
- » Yn caniatáu ar gyfer trafodaeth mwy rhyngweithiol
- » Mae'r blwch sgwrsio yn annog pobl i ychwanegu sylwadau at y drafodaeth

Anfanteision:

- » Gall fod yn anodd dod o hyd i amser addas pan mae gan bobl amserleni gwahanol
- » Gall rhai myfyrwyr ddominyddu'r drafodaeth

Mentimeter

Manteision:

- » Ffordd hawdd o gasglu adborth yn gyflym
- » Rhyngweithiol ac uniongyrchol
- » Gall pobl bostio adborth yn ddienw

Anfanteision:

- » Byddai dal angen i chi ddsbarthu'r cod i gael mynediad at yr arolwg/pôl
- » Mae'n well ei ddefnyddio ar y cyd gyda chyfarfodydd ar-lein neu'n debyg



Fforymau Colegau

Os oes materion sydd wedi codi yn ystod Paneli Staff Myfyrwyr na ellir eu datrys o fewn yr ysgol, gellir dod â'r rhain i'r Fforwm Coleg. Gallai hyn gynnwys problemau gydag adnoddau TG neu lyfrgell. Mae Fforymau Colegau hefyd yn gyfle gwyb i roi trosolwg i Ddeoniaid y Colegau o ba eitemau a drafodwyd yn eich Paneli Staff Myfyrwyr

Mae pob Fforwm Coleg yn rhedeg mewn ffordd ychydig yn wahanol i weddu i anghenion y Coleg yn well.

Cadeirir Fforymau Colegau gan Swyddog etholedig Undeb y Myfyrwyr – IL Israddedigion, IL Ôl-raddedigion ac IL Parc y Mynydd Bychan.. Mae'r cyfarfodydd yn cael eu sefydlu a'u hwyluso gan Dim Llais y Myfyrwyr, a bydd Cynorthwydd Llais Myfyrwyr yn cymryd cofnodion i'w cyhoeddi ar wefan Undeb y Myfyrwyr. Byddwch yn cael eich gwahodd i roi diweddariad byr am y prif eitemau yr ydych wedi'u trafod yn eich Panel Staff Myfyrwyr, a gofyn am gyngor lle bo angen ar unrhyw bryderon parhaus.

Mae aelodaeth Fforymau'r Coleg yn cynnwys:

Cynrychiolwyr
Academaidd y Myfyrwyr
(Cadeiryddion ac
Is-gadeiryddion)

IL Myfyrwyr Israddedig
(Addysg a Lles)

IL Parc y Mynydd
Bychan (Fforwm Coleg
BLS yn unig)

IL Myfyrwyr Ôl-raddedig
(Addysg a Lles)

Deoniaid y Coleg
(Israddedig ac Ôl-
raddedig)

Rheolwr Addysg y Coleg

Rhag Is-ganghellor,
Profiad Myfyrwyr a

Safonau Academaidd

Cynrychiolwyr
Llyfrgelloedd

Cynrychiolwyr TG

Cyfleoedd i Ddatblygu

Fel Cynrychiolydd Academaidd y Myfyrwyr, byddwch yn cael y cyfle i ymwneud â nifer o weithgareddau eraill Undeb y Myfyrwyr. Byddwn yn rhoi'r wybodaeth ddiweddaraf i chi am gyfleoedd pellach trwy ein cylchlythyrau misol!

Mae hyn yn cynnwys:

- » System haenu Gwobrwyo a Chydnabyddiaeth Cynrychiolwyr – Byddwch y cynrychiolydd gorau y gallwch fod drwy weithio tuag at efydd, arian neu aur.
- » Gwasanaeth Datblygu Sgiliau – fel arweinydd myfyrwyr, gallwch weithio tuag at Ddiploma Arweinyddiaeth gyda'r Gwasanaeth Datblygu Sgiliau. Defnyddiwch eich amser gwirfoddol fel cynrychiolydd a chymerwch ran mewn modiwlau arweinyddiaeth i gael diploma cydnabyddedig!
- » Dewch yn Hyrwyddwr Lles – os oes gennych ddiddordeb mewn bod yn Hyrwyddwr Lles, cysylltwch â ni. Gallwn roi mwy o wybodaeth i chi am sut y gallwch gefnogi myfyrwyr i lwyddo yn eu profiadau academaidd.
- » Swyddogion Sabothol Pwyllgorau Gweithredol – bod yn rhan o Bwyllgor Gwaith a gweithio gyda'r Swyddogion etholedig ar eu hymgyrchoedd, eu syniadau a'u hawgrymiadau ar gyfer gwella.
- » Cynhadledd Cynrychiolwyr Academaidd - rhwydweithio gyda chynrychiolwyr eraill o bob rhan

o'r brifysgol a datblygu sgiliau newydd i'ch cefnogi yn eich rôl a'ch datblygiad personol.

- » Byddwch yn arloeswr ar gyfer prosiect ysgol – mae cynrychiolwyr y blynyddoedd blaenorol wedi arwain eu sesiynau adeiladu tîm eu hunain, wedi cynnal digwyddiadau cymdeithasol, ac wedi gweithio ar brosiectau yn seiliedig ar adborth myfyrwyr yn eu hysgol. Cysylltwch â Thîm Llais Myfyrwyr neu Swyddogion etholedig os oes gennych ddiddordeb mewn arloesi gyda phrosiect eich hun!



Cynhadledd

Gwobrau Cynrychiolwyr

Gall bod yn Gynrychiolydd fod yn hynod werth chweil ynddo'i hun, ond rydym hefyd yn cydnabod y gwaith caled, yr amser a'r ymdrech sy'n mynd i fod yn Gynrychiolydd Academaidd y Myfyrwyr. Y llynedd rydym wedi cyflwyno system bwyntiau sy'n cydnabod y gwaith rydych chi'n ei gwneud, ac sy'n caniatáu ichi gyfnwied eich pwyntiau am wobrau. Gallwch ennill pwyntiau fel a ganlyn

Gweithgaredd	Pwyntiau
Mynychu Hyfforddiant	10 pwynt
Mynychu Panel Myfyrwyr-Staff	5 pwynt
Cadeirio / Is-Gadeirio Panel Myfyrwyr-Staff	3 pwynt
Mynychu Fforwm Coleg	3 pwynt
Mynychu Cyfarfod Cyffredinol Blynyddol yr Undeb	3 pwynt
Mynychu Cynhadledd Cynrychiolwyr	2 pwynt
Cwblhau Arolwg Cynrychiolwyr diwedd blwyddyn	2 pwynt
Derbyn enwebiad ESLA	2 pwynt
Gwneud enwebiad ESLA	1 pwynt
Ymgysylltu â'ch cymdeithas sy'n gysylltiedig â chwrs	1 pwynt
Ymgysylltu â chyfleoedd ychwanegol i ddatblygu	1 pwynt

Er mwyn derbyn eich tystysgrif cynrychiolydd, bydd angen i chi lenwi ein Harolwg Cynrychiolwyr ar ddiwedd y flwyddyn ym mis Mai, fel y gallwn gyfrifo eich pwyntiau. Cadwch lygad ar ein cylchlythyrau cynrychiolwyr misol am ragor o wybodaeth.



Efydd
20 pwynt



Arian
30 pwynt



Aur
50 pwynt

Siarter y Myfyrwyr

Mae Siarter y Myfyrwyr yn diffinio rolau a chyfrifoldebau myfyrwyr, Undeb y Myfyrwyr a'r Brifysgol. Mae ein Siarter Myfyrwyr yn rhoi gwybod i chi beth allwch chi ei ddisgwyl gan y Brifysgol ac Undeb y Myfyrwyr a beth ydym ni'n ei ddisgwyl gennych chi.

Fel Cynrychiolydd Academiaidd y Myfyrwyr, mae'n bwysig eich bod yn gwybod y disgwyliadau hyn a'r hyn y gall myfyrwyr ei wneud os nad yw'r Brifysgol yn cwrdd â'ch disgwyliadau.

Darllenwch ein Siarter Myfyrwyr: cardiff.ac.uk/new-students/before-you-arrive/student-charter

- » Amlygu problemau yn gynnar a cheisio cyngor os na chaiff y rhain eu datrys
- » Hysbyswch y Brifysgol yn brydlon am unrhyw newidiadau i'ch amgylchiadau
- » Codwch eich pryderon os yw ymddygiad cyd-fyfyrwyr neu staff yn effeithio'n andwyol ar eich profiad yng Nghaerdydd
- » Ceisiwch gyngor yn syth os yw eich cynnydd academiaidd, neu unrhyw agwedd arall ar eich profiad yng Nghaerdydd, yn peri pryder i chi.



Cyfeirio

Fel Cynrychiolydd Academaidd mae'n bwysig bod yn ymwybodol o'r gwahanol wasanaethau ar draws y Brifysgol ac Undeb y Myfyrwyr er mwyn i chi allu cyfeirio myfyrwyr at y cysylltiadau priodol pe baent yn cysylltu â chi gyda mater sydd y tu allan i gasglu ac adrodd adborth.

Yn eich rôl fel Cynrychiolydd Academaidd, **NID** oes disgwyl i chi ddelio â:

- » Anghydfodau rhwng myfyrwyr a staff academaidd (e.e. aflonyddu, gwahaniaethu)
- » Gweithdrefnau ffurfiol, (e.e. methiannau arholiadau, apeliadau academaidd, cymhwysedd i ymarfer, amgylchiadau esgusodol)
- » Ymholiadau ariannol, cyllido
- » Problemau lles, materion iechyd a phersonol (ee tai, cyflogaeth a mewnfudo.)

Os bydd myfyriwr yn dod atoch gyda phroblem, ac rydych yn ansicr i ble y dylid ei gyfeirio, cysylltwch â **studentreps@cardiff.ac.uk**.

Isod mae rhai o'r gwasanaethau a phobl allweddol i fod yn ymwybodol ohonynt:

Gwasanaethau Undeb y Myfyrwyr Cyngor i Fyfyrrwyr

Mae'r Ganolfan Cyngor i Fyfyrrwyr yn darparu cyngor a gwybodaeth annibynnol, eiriolaeth, cynrychiolaeth a chefnogaeth drwy wasanaeth cyfrinachol, diduedd, annibynnol ac am ddim i aelodau Undeb y Myfyrwyr. Gallwch alw heibio; ymweld â 3ydd Llawr Undeb y Myfyrwyr i siarad â Chynghorydd Myfyrwyr, trefnu apwyntiad, e-bostio neu ffonio'r tîm. Os bydd myfyrwyr yn dod

atoch gydag unrhyw un o'r materion hyn, cyfeiriwch nhw at Cyngor i Fyfyrrwyr:

- » Materion Academaidd – apeliadau, cyngor ar ymddygiad myfyrwyr, newidiadau i'ch cwrs/telerau ac amodau, amgylchiadau esgusodol, adolygu trwy Ramadan, Cymorth Adolygu, Arfer Annheg, Cymhwysedd i Ymarfer.
- » Iechyd a Lles – iechyd meddwl, iechyd rhywiol
- » Tai – gwirio cytundebau tai, anghydfodau gyda landlordiaid, rhestradau tai ac ati.

Angen Cyngor?

✉ Advice@Cardiff.ac.uk

☎ 029 2078 1410

cardiffstudents.com/advice

Gwasanaeth Datblygu Sgiliau

Os oes gennych chi neu gyd-fyfyriwr ddiddordeb mewn gwella neu ddatblygu unrhyw sgiliau yn ystod eich cyfnod yn y brifysgol, lle gwych i'w cyfeirio ato yw'r Gwasanaeth Datblygu Sgiliau (SDS) sydd ar 3ydd llawr Undeb y Myfyrwyr. Mae'r Gwasanaeth Datblygu Sgiliau (SDS) yn cynnig amrywiaeth o gyrsiau a sesiynau hyfforddiant a gynlluniwyd i fagu hyder, gwella sgiliau trosglwyddadwy a chynyddu cyflogadwyedd ar gyfer dysgwyr â diddordeb mewn datblygu'u sgiliau ar gyfer bywyd ar ôl graddio. Bydd ennill tystysgrif yn fonws ychwanegol ar ben hynny hefyd. Mae'r rhan fwyaf o'r cyrsiau am ddim ac yn ffordd wych o gwrdd â phobl newydd, a rhwydweithio mewn amgylchedd hwyliog ac anffurfiol.

✉ SDS@Cardiff.ac.uk

☎ 029 2078 1489

cardiffstudents.com/SDS

Siopswyddi

Mae'r Siop Swyddi yn wasanaeth cyflogaeth am ddim i fyfyrwyr sy'n ceisio dod o hyd i gyflogaeth achlysurol ar gyfer myfyrwyr cofrestredig Prifysgol Caerdydd. Mae cyfleoedd ar gael o fewn y Brifysgol, Undeb y Myfyrwyr a gyda chyflogwyr lleol. Maent wedi'u lleoli ar 3ydd llawr adeilad Undeb y Myfyrwyr.

✉ Jobshop@cardiff.ac.uk

☎ 02920 781535

cardiffstudents.com/jobshop

Timau Cymorth Prifysgol Caerdydd

Cyswllt Myfyrwyr

Cyswllt Myfyrwyr yw eich pwynt cyswllt cyntaf os oes angen unrhyw gymorth arnoch wrth astudio ym Mhrifysgol Caerdydd. Gall y tîm ateb eich ymholiadau, dosbarthu neu eich cyfeirio at ein timau Bywyd Myfyrwyr neu adnoddau eraill perthnasol pe bai angen.

Am wybodaeth am brosesau'r Brifysgol, help i gael mynediad at gymorth neu am unrhyw ymholiad, cysylltwch â'ch Cyswllt Myfyrwyr.

I gysylltu â Chyswllt Myfyrwyr gallech:

- » Ymweld â thîm Cyswllt Myfyrwyr wyneb-yn-wyneb, ar lawr waelod Canolfan Bywyd y Myfyrwyr
- » ddefnyddio ein porth Cyswllt Myfyrwyr ar-lein
- » ein ffonio ni ar +44 (0)29 2251 8888

Mae Cynghorwyr Cyswllt Myfyrwyr ar gael rhwng 08:00 –18:00, Ddydd Llun i Ddydd Gwener.

Cyngor ac Arian

Cyngor ar faterion academaidd, cyngor cyllido, sgiliau ariannol & cronfeydd argyfwng a bwrsariau & ysgoloriaethau.

Dyfodol Myfyrwyr

Cyngor Gyrfa a gwybodaeth, profiad gwaith, cyfleoedd, symudedd rhyngwladol (astudio, gweithio neu

wirfoddoli tramor) menter myfyrwyr a chymorth dechrau busnes, Gwobr Caerdydd ac amrywiaeth o weithdai sgiliau a nodweddion cyflogadwyedd.

- » Ymwelwch â thîm Dyfodol Myfyrwyr wyneb-yn-wyneb, ar lawr cyntaf Canolfan Bywyd y Myfyrwyr.

Iechyd a Lles

Cyngor ymarferol a chymorth am iechyd a lles da, sydd hefyd yn cynnig apwyntiadau ar-lein & wyneb-yn-wyneb, gwasanaeth galw heibio, gweithdai, adnoddau hunangymorth, cyngor brys a gwasanaeth iechyd galwedigaethol.

Gwasanaeth Anabledd Myfyrwyr

Cymorth a Chyngor i fyfyrwyr ag anableddau, gwasanaethau cymorth arbenigol, hwyluso hygyrchedd ac addasiadau gan gynnwys addasiadau i arholiadau.

Sgiliau Astudio Academaidd

Cynnig amrywiaeth eang o ddsbarthiadau sy'n ymdrin â phynciau fel cyfeirio mewn traethawd, sgiliau cyflwyno ac ysgrifennu traethodau, tiwtorialau ar-lein ac adnoddau, awgrymiadau a chymorth unigol.

Cymorth Fisa i Fyfrwyr

Cymorth ymarferol i fyfyrwyr rhyngwladol sy'n cynnig cyngor ynghylch mewnffudo & cymorth gyda cheisiadau i ymestyn fisas, canllawiau ar reoliadau cyflogaeth, cyngor ariannol a gwybodaeth am fywyd bob dydd yn y DU.

Peidiwch ag anghofio cadw llygad ar ddigwyddiadau a gweithdai defnyddiol ar-lein ac wyneb-yn-wyneb sy'n ymdrin â phob math o destunau trwy gydol y flwyddyn.

Taclo'r termau!

Byrddau Astudio

Cyfarfodydd ffurfiol sy'n dod â Phennaeth yr Ysgol ac aelodau staff priodol ynghyd i drafod materion gweinyddol ac academaidd yn ymwneud â rhaglenni a ddarperir yn yr Ysgol.

Swyddogion Ymgyrchu

Grŵp o 11 myfyriwr a etholir bob blwyddyn i gynrychioli grwpiau rhydd. Rolau gwirfoddol, rhan-amser yw'r rhain a gymerir ochr yn ochr ag astudiaethau'r Swyddogion. Mae'r rolau'n cynnwys: Swyddog Pobl Dduon a Lleiafrifoedd Ethnig, Swyddog yr Iaith Gymraeg, Swyddog Iechyd Meddwl, Swyddog Moesegol ac Amgylcheddol, Swyddog Myfyrwyr ag Anableddau, Swyddog LHDT+ (Lle Agored), Swyddog LHDT+ (Lle Traws), Swyddog Menywod, Swyddog Myfyrwyr Rhyngwladol, Swyddog Myfyrwyr Hŷn a Swyddog Rhieni a Gofalwyr.

Undeb Myfyrwyr Caerdydd (UMC)

Sefydliad sy'n annibynnol ar y Brifysgol sy'n cynrychioli barn myfyrwyr Caerdydd. Mae'r Undeb yn cynnig gwasanaethau cynrychiolaeth, gweithgareddau allgyrsiol, nosweithiau allan, teithiau dydd a chyflogaeth ran-amser. Rydych yn aelod yn awtomatig a gallwch ddefnyddio unrhyw un o'r gwasanaethau a ddarperir.

Fforymau Colegau

Cyfarfodydd a drefnir gan Undeb y Myfyrwyr a fynychir gan Gadeiryddion Paneli Myfyrwyr–Staff, cynrychiolwyr y Brifysgol a'r Undeb i siarad am bryderon ar draws y coleg na ellir eu datrys ar lefel ysgol neu y mae angen eu dwyn i sylw'r coleg.

Adolygiad Cyfnodol (PR)

Dadansoddiad bras o ysgolion academaidd a gynhelir ar gylchred o bum mlynedd i sicrhau bod yr ysgol yn bodloni'r disgwyliadau a nodir yng nghod ansawdd yr Asiantaeth Sicrhau Ansawdd.

Cynrychiolydd Ymchwil Ôl-raddedig (PGR)

Ymchwilydd Ôl-raddedig gwirfoddol sy'n cynrychioli safbwyntiau, cwestiynau a sylwadau eu carfan Fforymau Cynrychiolwyr Ymchwil Ôl-raddedig.

Fforwm Cynrychiolwyr Ymchwil Ôl-raddedig

Cyfarfodydd a gadeirir gan yr Is-lywydd Myfyrwyr Ôl-raddedig, sy'n agored i holl Gynrychiolwyr Myfyrwyr Ymchwil Ôl-raddedig ar draws y Brifysgol, lle gellir trafod materion lefel Ysgol, Coleg neu Brifysgol.

Swyddogion Sabothol

Dyma grŵp o saith myfyriwr sy'n cael eu hethol bob blwyddyn i gynrychioli barn Caerdydd myfyrwyr. Swyddi cyflogedig yw'r rhain ac mae yna saith gwahanol faes: Llywydd ac Is-lywyddion ar gyfer Israddedigion, Ôl-raddedigion, Y Gymraeg Cymuned a Diwylliant Cymru, Campws Parc y Mynydd Bychan, Cymdeithasau a Gwirfoddoli, a Chwaraeon.

Cynrychiolydd Academaidd y Myfyrwyr (SAR)

Myfyriwr gwirfoddol sy'n cynrychioli barn, cwestiynau a sylwadau eu carfan.

Cyngor i Fyfywrwyr

Gwasanaeth cyngor annibynnol yn Undeb y Myfyrwyr, sydd ar gael i holl fyfyrwyr Caerdydd. Mae'r tîm yn rhoi arweiniad ar faterion academaidd, cwynion gan ddefnyddwyr, tai a mwy.

Cydlynnydd Cynrychiolwyr y Myfyrwyr (SRC)

Aelod o staff o'ch ysgol sy'n hwyluso recriwtio a sefydlu cynrychiolwyr myfyrwyr, yn darparu cymorth gweinyddol i gyfarfodydd ac yn gweithio'n agos gydag Undeb y Myfyrwyr i sicrhau cynrychiolaeth a chyfleoedd effeithiol i fyfyrwyr.

Bywyd myfyrwyr

Gwasanaeth sy'n cael ei redeg gan y Brifysgol sydd wedi'i leoli yn y Ganolfan Bywyd y Myfyrwyr ac mae Undeb y Myfyrwyr sy'n cynnig cronfeydd caledi, cyngor cyffredinol, cymorth rhyngwladol a gwasanaethau cwnsela.

Panel Myfyrwyr-Staff (SSP)

Cyfarfodydd sy'n dod â Chynrychiolwyr Academaidd y Brifysgol a staff yr Ysgol ynghyd i drafod materion sy'n effeithio ar boblogaeth y myfyrwyr ar lefel leol. Disgwylir i chi fynychu'r cyfarfodydd hyn fel rhan o'ch rôl.

Tîm Llais Myfyrwyr

Y tîm sy'n darparu eich hyfforddiant, cefnogaeth a sy'n rhoi cyngor sy'n benodol i'ch rôl. Gallwch gysylltu â'r tîm os oes gennych unrhyw awgrymiadau neu gwynion ynghylch strwythur Cynrychiolwyr Academaidd y Myfyrwyr.

Oes gennych chi ragor o gwestiynau? Ewch i'n Cwestiynau Cyffredin ar ein gwefan yma: cardiffstudents.com/your-voice



Cardiff
Students'
Union

Undeb
Myfyrwyr
Caerdydd

Llwyddiannau Myfyrwyr

Rydym wrth ein bodd yn clywed am y llwyddiannau a gawsoch yn ystod eich amser fel Cynrychiolydd Academaidd y Myfyrwyr! Rhannwch eich llwyddiannau gyda ni trwy gysylltu â

StudentReps@cardiff.ac.uk

Cysylltwch â'ch Swyddogion Sabothol!



Micaela
IL Myfyrwyr Ôl-raddedig

✉ VPPostgraduate@Cardiff.ac.uk

📷 @VPPostGradCSU ✖ @PostgradCSU 📘 PostgradCSU



Deio
IL Cymraeg

✉ VPCymraeg@Cardiff.ac.uk

📷 @VPCymraegCSU ✖ @CymraegCSU 📘 SwydddogCymraeg



Alex
IL Campws Parc y Mynydd Bychan

✉ VPHeathPark@Cardiff.ac.uk

📷 @VPHeathParkCSU ✖ @HeathParkCSU 📘 VPHeathParkCSU



Noah
IL Myfyrwyr Israddedig

✉ VPUndergraduate@Cardiff.ac.uk

📷 @VPUndergraduateCSU ✖ @UndergradCSU 📘 EducationCSU